

Dhamira Ndiyo Nguvu ya Maamuzi

Wala msifuatishe namna ya dunia hii; bali mgeuzwe kwa kufanywa upya nia zenu, mpate kujua hakika mapenzi ya Mungu yaliyo mema, ya kumpendeza, na ukamilifu—**Warumi 12:2.**

Hakuna kitu kitakachokuweka mbali na Mungu bali dhamira yenye uasi.

Dhamiri ni nguvu iongozayo katika asili ya mwanadamu. Ikiwa dhamira itawekwa sawa, mtu mzima atakuwa sawa. Dhamira sio mwonjo au mwelekeo, bali ni uamuzi, uwezo wa kuamua, mamlaka ya kifalme, ifanyayo kazi ndani ya wana wa wanadamu hata kufikia utii kwa Mungu au kutokutii.

Utakuwa hatarini daima mpaka pale utakapoelewa nguvu ya kweli ya dhamira. Unaweza ukaamini na kuahidi kila kitu, lakini ahadi zako na imani yako haviwezi kuwa na maana mpaka pale utakapoiweka dhamira yako mahali sahihi. Ikiwa unataka kuvipiga vita vya imani kwa uwezo wa dhamira yako, hakuna shaka kwamba utafanikiwa.

Sehemu yako ni kuiweka dhamira yako upande wa Yesu. Unapoisalimisha dhamira yako Kwake, kwa haraka sana anakuongoza na kufanya kazi ndani yako kutaka na kutenda ili kulitimiza kusudi Lake jema. Asili yako inawekwa chini ya udhibiti wa Roho Mtakatifu. Hata mawazo yako yanatiishwa Kwake. Ikiwa huwezi kudhibiti mihemko yako, hisia zako, kama unavyoweza kutamani, unaweza kuidhibiti dhamira na hivyo mabadiliko yote yatafanyika katika maisha yako. Unapoisalimisha dhamira yako kwa Yesu, maisha yako yatafichwa pamoja na Kristo kwa Mungu. Yanaunganishwa kwenye nguvu iliyoko juu ya falme na mamlaka zote. Unakuwa na nguvu kutoka kwa Mungu inayokushikilia kwa uweza Wake; na kisha maisha mapya, yaani maisha ya imani, yanawezekana kwako.

Huwezi kamwe kufanikiwa katika kujiinua mwenyewe, isipokuwa dhamira yako iwepo katika upande wa Kristo, ukishirikiana na Roho wa Mungu. Usihisi kuwa huwezi; lakini sema, “Ninaweza, Nitafanya.” Na Mungu ameahidi Roho Wake Mtakatifu kukusaidia katika kila jitihada madhubuti.